



Vodič

za prijavu, obračun i uplatu doprinosa za osiguranje učenika na praktičnoj nastavi za slučajeve invalidnosti i smrti usljed povrede na radu i profesionalne bolesti

IMPRINT

Izdavač:

Privredna komora Zeničko-dobojskog kantona

Mehmedalije Tarabara br. 15, 72000 Zenica

Tel.: +387 32 465 851

Fax: +387 32 465 852

E-mail: info@pkzedo.ba pkzedo@bih.net.ba

Naslov publikacije: Vodič za prijavu, obračun i uplatu doprinosa za osiguranje učenika na praktičnoj nastavi za slučajeve invalidnosti i smrti usljed povrede na radu i profesionalne bolesti

Autor sadržaja: Privredna komora Zeničko-dobojskog kantona

Dizajn: MITA Group

Mjesto i godina izdavanja: Sarajevo, septembar 2022. godine

Upotreba ženskog ili muškog roda: Terminološko korištenje ženskog ili muškog roda u ovom dokumentu podrazumijeva uključivanje oba roda.

SADRŽAJ

1. Uvodne riječi.....	4
2. Cilj Vodiča.....	9
3. Osiguranje učenika na praktičnoj nastavi za slučajeve invalidnosti i smrti usljed povrede na radu i profesionalne bolesti – pravni osnov.....	10
4. Prava učenika za slučaj nastupanja invalidnosti ili smrti tokom praktične nastave.....	12
a) Pravo na invalidsku penziju.....	13
b) Pravo na novčanu naknadu zbog fizičke onesposobljenosti	13
c) Pravo na porodičnu penziju.....	14
5. Razlika između dobrovoljnog osiguranja od posljedica nesretnog slučaja (nezgode) tokom nastave i osiguranja za slučajeve invalidnosti i smrti usljed povrede na radu i profesionalne bolesti	16
6. Prijava, obračun i uplata doprinosa za osiguranje učenika na praktičnoj nastavi za slučajeve invalidnosti i smrti usljed povrede na radu i profesionalne bolesti	18
a) Prijava učenika u Jedinstveni sistem registracije, kontrole i naplate doprinosa.....	18
b) Obračun i uplata doprinosa za osiguranje učenika na praktičnoj nastavi za slučajeve invalidnosti i smrti usljed povrede na radu i profesionalne bolesti.....	19
7. Obrasci za prijavu učenika na osiguranje i praćenje uplata doprinosa za učenika na praktičnoj nastavi za slučajeve invalidnosti i smrti usljed povrede na radu i profesionalne bolesti sa instrukcijama za popunjavanje	22
a) Obrazac za prijavu učenika na osiguranje (JS3120).....	22
b) Obrazac za prijavu uplaćenih doprinosa (JS3320)	25
8. Podnošenje prijave elektronskim putem.....	27
9. Budžetska pozicija	28
10. Prekršajna odgovornost škola u slučaju neispunjavanja zakonskih obaveza.....	29
ZA KRAJ.....	30

UVODNE RIJEČI

mr. sci. Šerif Isović
Direktor Porezne uprave Federacije BiH

Poštovani čitatelji,

Raduje nas što je Porezna uprava Federacije Bosne i Hercegovine imala priliku dati doprinos u izradi dokumenta koji na sveobuhvatan način daje smjernice školama na teritoriji Federacije Bosne i Hercegovine za prijavu, obračun i uplatu doprinosa za osiguranje učenika na praktičnoj nastavi za slučajeve invalidnosti i smrti usljed povrede na radu i profesionalne bolesti.

Porezna uprava Federacije BiH je federalna uprava u sastavu Federalnog ministarstva finansija i nadležna je za primjenu Zakona o Poreznoj upravi Federacije BiH i drugih poreznih zakona i podzakonskih akata. Jedan od primarnih ciljeva Porezne uprave Federacije BiH je razvijanje percepcije i svijesti poreznih obveznika da bez prisile Porezne uprave Federacije BiH poštuju zakone i podzakonske akte, da blagovremeno i

dobrovoljno prijavljuju i plaćaju svoje porezne obaveze, jer tako iskazuju i ljubav i poštovanje prema državi i doprinose njenom razvoju. Sa druge strane, država treba da zaštiti prava svake osobe kao što su pravo na život, na slobodu, na imovinu, na rad i druga prava. Jedno od prava poreznih obveznika je i pravo na sigurnost u radu, koje se ostvaruje kroz prijavu osiguranika u Jedinstveni sistem Porezne uprave Federacije BiH. Jedinstveni sistem Porezne uprave Federacije BiH je softverska aplikacija u kojoj se evidentiraju sve prijave osiguranja, kao i prijave o uplaćenim doprinosima koje Porezna uprava Federacije BiH dostavlja nadležnim vanbudžetskim fondovima na osnovu kojih osiguranici ostvaruju prava iz penzionog, zdravstvenog i osiguranja od nezaposlenosti.

Učenici u vrijeme izvođenja praktične nastave, kao i ostali osiguranici po osnovu Zakona o Jedinostvenom sistemu Porezne uprave Federacije BiH, mogu ostvariti svoja prava u slučaju povrede za vrijeme izvođenja praktične nastave, invalidnosti ili slučaja smrti pod uslovom da su prijavljeni u Jedinostveni sistem i da su za njih uplaćeni propisani doprinosi.

U situacijama nastanka osiguranih slučajeva, blagovremeno i uredno podnošenje i unos prijava osiguranja učenika u bazu Jedinostvenog sistema Porezne uprave Federacije BiH i uplata propisanih doprinosa od izuzetnog je značaja za učenike kao krajnje korisnike prava iz penzijskog i invalidskog osiguranja, škole, ministarstva obrazovanja, ali i za Poreznu upravu Federacije BiH.

U cilju realizacije ovog projekta, Porezna uprava Federacije BiH će na stranicama Vodiča koje slijede ponuditi informacije i odgovore na pitanja kako i na koji način možete izvršiti prijavu osiguranja učenika na praksi i kako izvršiti uplatu doprinosa, što će olakšati obrazovnim ustanovama ispunjavanje propisanih obaveza, jer njihovo nepoštivanje ima za posljedicu prekršajnu odgovornost obveznika uplate doprinosa.

Pružanjem informacija putem ovog vodiča, Porezna uprava Federacije BiH želi omogućiti obrazovnim institucijama da

shodno zakonskim odredbama na što lakši i jednostavniji način izvrše svoje obaveze, a ujedno i sigurnost učenika na praksi u ostvarivanju prava iz osiguranja.

Porezna uprava Federacije BiH je spremna poduzeti sve aktivnosti iz okvira svoje nadležnosti s ciljem pružanja podrške školama u ispunjavanju zakonskih obaveza obračuna i uplate doprinosa za osiguranje učenika na praktičnoj nastavi za slučajeve invalidnosti i smrti usljed povrede na radu i profesionalne bolesti, a sve kako bi se uspostavio efikasan sistem dobrovoljnog ispunjavanja predmetnih obaveza.

Za sva dodatna pitanja i eventualne nejasnoće možete nas kontaktirati putem besplatnog info telefona +387 080 020 333 ili posjetiti službenu internet stranicu Porezne uprave Federacije BiH www.pufbih.ba gdje također možete pronaći sve potrebne informacije.

Nadamo se da će vam informacije iz ovog vodiča biti od koristi.

Prof. dr. sc. Spahija Kozlić

Ministar za obrazovanje, nauku, kulturu i sport Zeničko-dobojskog kantona

Poštovani čitatelji,

Pred vama se nalazi "Vodič za prijavu, obračun i uplatu doprinosa za osiguranje učenika na praktičnoj nastavi za slučajeve invalidnosti i smrti usljed povrede na radu i profesionalne bolesti" (u daljem tekstu: Vodič), razvijen kao rezultat saradnje Ministarstva za obrazovanje, nauku, kulturu i sport Zeničko-dobojskog kantona (u daljem tekstu: Ministarstvo), Privredne komore Zeničko-dobojskog kantona (u daljem tekstu: Privredna komora), Porezne uprave Federacije Bosne i Hercegovine (u daljem tekstu: Porezna uprava) i Deutsche Gesellschaft für Internationale Zusammenarbeit (GIZ) GmbH u sklopu projekta „Stručno obrazovanje u Bosni i Hercegovini“.

Cilj Vodiča je da školama koje izvode praktičnu nastavu u svojim radionicama ili organizuju njeno izvođenje izvan prostorija škole ponudi informacije i smjernice o zakonskoj obavezi obračuna i uplate doprinosa za osiguranje učenika na praktičnoj nastavi za slučajeve invalidnosti i smrti usljed povrede na radu

i profesionalne bolesti koje nastupe tokom praktične nastave.

Poštivanje i ispunjavanje obaveza propisanih federalnim propisima iz oblasti penzijskog i invalidskog osiguranja od izuzetnog je značaja za sve aktere uključene u organizaciju i izvođenje praktične nastave jer neispunjavanje tih obaveza ima za posljedicu lišavanje učenika mogućnosti da ostvare svoja prava.

U vezi sa navedenim, a u cilju zaštite prava učenika, Ministarstvo je donijelo odluku da predloži Ministarstvu finansija Zeničko-dobojskog kantona predviđanje u Budžetu Zeničko-dobojskog kantona posebne budžetske stavke za namjenu izmirenja obaveze po osnovu predmetnih doprinosa za sve učenike koji pohađaju praktičnu nastavu na području Zeničko-dobojskog kantona, te je u cilju utvrđivanja iznosa finansijskih sredstava uz podršku projekta „Stručno

obrazovanje u Bosni i Hercegovini" provelo sveobuhvatnu finansijsku analizu.

Nadam se i vjerujem da će obrazovne vlasti zajedno sa direktorima škola u ostalim kantonima slijediti ovu praksu i da će učenicima u Federaciji Bosne i Hercegovine biti omogućeno ostvarenje njihovih prava garantovanih propisima iz oblasti penzijskog i invalidskog osiguranja.

Vjerujem da će ovaj vodič predstavnicima škola ponuditi sve potrebne informacije i odgovore na sva pitanja, te poslužiti kao koristan alat za poboljšanje kvaliteta srednjeg stručnog obrazovanja, kako u Zeničko-dobojskom kantonu, tako i u Federaciji Bosne i Hercegovine.

mr. sci. Diana Babić

Predsjednica Privredne komore Zeničko-dobojskog kantona

Poštovani čitatelji,

Znanje i vještine koje učenici stiču tokom izvođenja praktične nastave temelj su unapređenja konkurentnosti radne snage kao važne karike unapređenja konkurentnosti kompanija sa područja ZDK, a time i ekonomskog prosperiteta i kantona i entiteta i cijele države Bosne i Hercegovine.

Kvalitetna praktična nastava je ključ unapređenja znanja i vještina učenika srednjih stručnih i tehničkih škola i zato je važno da učenik praktičnu nastavu realizira u sigurnom okruženju i bude osiguran u slučaju da se povreda/nezgoda desi u toku obavljanja praktične nastave.

Nas iz Privredne komore ZDK raduje što smo, kao integrativni faktor između privrednog sektora i obrazovnih i drugih institucija, zajedno sa Ministarstvom za obrazovanje, nauku, kulturu i sport ZDK, Poreznom upravom FBiH, Ministarstvom za finansije ZDK i GIZ-om dali svoj doprinos u realizaciji aktivnosti vezanih za kreiranje i disperziju

“Vodiča za prijavu, obračun i uplatu doprinosa za osiguranje učenika na praktičnoj nastavi za slučajeve invalidnosti i smrti usljed povrede na radu i profesionalne bolesti”, budući da implementacijom zakonske obaveze uplate doprinosa po navedenom, učenicima u ZDK će biti omogućeno ostvarivanje njihovih prava garantovanih propisima iz oblasti penzijskog i invalidskog osiguranja.

Vodič nudi informacije i precizne smjernice o zakonskim obavezama prijave, obračuna i uplate doprinosa za osiguranje učenika na praktičnoj nastavi za slučajeve invalidnosti i smrti usljed povrede na radu i profesionalne bolesti koje nastupe tokom praktične nastave i od izuzetnog značaja je za sve aktere (učenike, njihove roditelje, obrazovne institucije i kompanije) uključene u organizaciju i izvođenje praktične nastave.

S obzirom na to da Vodič predstavlja značajan alat za implementaciju zakonske obaveze obračuna i uplate doprinosa za osiguranje učenika na praktičnoj nastavi za slučajeve invalidnosti i smrti usljed povrede na radu i profesionalne bolesti koje nastupe tokom praktične nastave, važna je karika unapređenja kvaliteta srednjeg stručnog obrazovanja kako u ZDK, tako i u FBiH.

CILJ VODIČA

Ovaj vodič pruža informacije i nudi korisne smjernice za prijavu, obračun i uplatu doprinosa za osiguranje učenika na praktičnoj nastavi za slučajeve invalidnosti i smrti usljed povrede na radu i profesionalne bolesti.

Namijenjen je predstavnicima škola u Federaciji Bosne i Hercegovine koje imaju organizovanu praktičnu nastavu (u školskim radionicama ili izvan škole), na prvom mjestu direktorima škola, a potom i nastavnicima i koordinatorima praktične nastave, te školskom računovodstvu.

Vodič je nastao kao rezultat saradnje Ministarstva, Privredne komore, Porezne uprave i Deutsche Gesellschaft für Internationale Zusammenarbeit (GIZ) GmbH u sklopu projekta „Stručno obrazovanje u Bosni i Hercegovini“ finansiranog od Ministarstva za ekonomsku saradnju i razvoj Savezne Republike Njemačke (Bundesministerium für wirtschaftliche Zusammenarbeit – BMZ) i Švicarske agencije za razvoj i saradnju (Swiss Agency for Development and Cooperation – SDC).

Nadamo se da će vam informacije iz Vodiča biti od pomoći i koristi.

PRAVNI OSNOV

OSIGURANJE UČENIKA NA PRAKTIČNOJ NASTAVI ZA SLUČAJEVE INVALIDNOSTI I SMRTI USLJED POVREDE NA RADU I PROFESIONALNE BOLESTI

Relevantni pravni okvir:

- 1) Zakon o penzijskom i invalidskom osiguranju ("Službene novine Federacije Bosne i Hercegovine", br. 13/18, 93/19 - odluka US, 90/21, 19/22)
- 2) Odluka o visini doprinosa za penzijsko i invalidsko osiguranje za lica osigurana u određenim okolnostima ("Službene novine Federacije Bosne i Hercegovine", broj 26/14)
- 3) Pravilnik o podnošenju prijave za upis i promjene upisa u Jedinstveni sistem registracije, kontrole i naplate doprinosa ("Službene novine Federacije Bosne i Hercegovine", br. 73/09, 38/10, 77/10, 9/11, 1/13, 83/14, 1/15, 48/16, 25/17, 53/19, 93/19 i 105/21)
- 4) Zakon o jedinstvenom sistemu registracije, kontrole i naplate doprinosa ("Službene novine Federacije Bosne i Hercegovine", br. 42/09, 109/12, 86/15, 30/16 i 96/21)
- 5) Pravilnik o knjigovodstvu budžeta u Federaciji Bosne i Hercegovine („Službene novine Federacije Bosne i Hercegovine“, broj 60/14)

Zakon o penzijskom i invalidskom osiguranju predviđa da učenik ima pravo na osiguranje u slučaju invalidnosti i smrti usljed povrede na radu i profesionalne bolesti tokom obavljanja praktične nastave, odnosno stručne prakse kod poslodavca¹, te svrstava učenika pod kategoriju lica osiguranih u određenim okolnostima.

Odredbama Odluke o visini doprinosa za penzijsko i invalidsko osiguranje Federacije Bosne i Hercegovine za lica osigurana u određenim okolnostima propisano je da je obveznik obračuna i uplate doprinosa za osiguranje učenika na praktičnoj nastavi za slučajeve invalidnosti i smrti usljed povrede na radu i profesionalne bolesti odgojno-obrazovna ustanova.² Shodno odredbama ove odluke, ovi doprinosi plaćaju se u mjesečnom iznosu od 3,00 KM³, odnosno ako praktična nastava traje kraće od mjesec dana, iznos doprinosa utvrđuje

se srazmjerno broju dana za koji se plaća doprinos.⁴

Osvrt na odredbe Pravilnika o podnošenju prijava za upis i promjene upisa u Jedinostveni sistem registracije, kontrole i naplate doprinosa ("Službene novine Federacije Bosne i Hercegovine", br. 73/09, 38/10, 77/10, 9/11, 1/13, 83/14, 1/15, 48/16, 25/17, 53/19, 93/19 i 105/21) dat je u Poglavlju 6 Vodiča, osvrt na odredbe Zakona o jedinstvenom sistemu registracije, kontrole i naplate doprinosa ("Službene novine Federacije Bosne i Hercegovine", br. 42/09, 109/12, 86/15, 30/16 i 96/21) dat je u Poglavlju 10 ovog vodiča, dok su odredbe Pravilnika o knjigovodstvu budžeta u Federaciji Bosne i Hercegovine („Službene novine Federacije Bosne i Hercegovine“, broj 60/14) analizirane u Poglavlju 9 Vodiča.

1 Član 17. tačka c) Zakona o penzijskom i invalidskom osiguranju

2 Član 1. stav (1) Odluke o visini doprinosa za penzijsko i invalidsko osiguranje za lica osigurana u određenim okolnostima

3 Tekst Odluke se referiše na „praktičan rad učenika u toku sticanja obrazovanja i odgoja“, što dodatno upućuje na zaključak da je obaveza osiguranja za slučajeve nastupanja invalidnosti i smrti usljed povrede na radu i profesionalne bolesti neovisna o mjestu izvođenja praktične nastave. Dakle, pravo na osiguranje imaju kako učenici koji obavljaju praktičnu nastavu kod poslovnog subjekta, tako i oni koji nastavu obavljaju u školskim radionicama.

4 Član 1. stav (2) u vezi sa članom 2. Odluke o visini doprinosa za penzijsko i invalidsko osiguranje za lica osigurana u određenim okolnostima

PRAVA UČENIKA

ZA SLUČAJ NASTUPANJA INVALIDNOSTI ILI SMRTI TOKOM PRAKTIČNE NASTAVE

Odredbe Zakona o penzijskom i invalidskom osiguranju ne upućuju jasno na to koja prava bi učenici na praktičnoj nastavi mogli ostvariti za slučaj nastupanja invalidnosti ili smrti tokom praktične nastave, s obzirom na to da se prava koja se ostvaruju u tim osiguranim slučajevima gotovo isključivo vežu za druge statuse osiguranika, prije svega za lica koja su u radnom odnosu.

Međutim, Federalno ministarstvo rada i socijalne politike je izdalo službeno mišljenje br. 04-31/16-3570/21 M.T. od 19.01.2022. godine kojim je utvrdilo da učenici za vrijeme praktične nastave mogu ostvarivati sva prava iz penzijskog i invalidskog osiguranja koja im pripadaju u slučaju invalidnosti i smrti, uz ispunjavanje svih uslova propisanih Zakonom o penzijskom i invalidskom osiguranju.

Uzevši u obzir prirodu prava zagwarantovanih Zakonom o penzijskom i invalidskom osiguranju i uslove koji se moraju ispuniti da bi određena osoba postala njihov titular, moglo bi se tumačiti da učenik na praktičnoj nastavi (neovisno o mjestu izvođenja praktične nastave), pod uslovom da je uredno prijavljen na osiguranje i da su doprinosi uredno plaćeni, ima zagarrantovana sljedeća prava: pravo na invalidsku penziju i pravo na novčanu naknadu zbog fizičke onesposobljenosti.

Iako je vjerovatnoća da će učenik-osiguranik imati dijete u periodu u kojem traju određene okolnosti i tokom kojeg je osiguran u slučaju invalidnosti i smrti usljed povrede na radu i profesionalne bolesti mala, ipak smo dužni spomenuti i pravo djeteta učenika na porodičnu penziju koja se veže za pravo na invalidsku penziju čiji bi titular bio učenik.

a) Pravo na invalidsku penziju

Učenik kao osiguranik kod koga je utvrđena I. kategorija invalidnosti (gubitak radne sposobnosti) stiče pravo na invalidsku penziju ako je invalidnost prouzrokovana povredom na radu ili profesionalnom bolešću nastalom tokom praktične nastave, bez obzira na dužinu penzijskog staža (što bi značilo da to može biti i jedan dan praktične nastave pod uslovom da je učenik uredno prijavljen na osiguranje putem odgovarajućeg obrasca i da su doprinosi uredno uplaćeni).⁵

b) Pravo na novčanu naknadu zbog fizičke onesposobljenosti

Fizička onesposobljenost postoji kada je osiguranik-učenik pretrpio gubitak, ozbiljnu

⁵ Član 39. tačka b) i član 58. stav (1) tačka a) Zakona o penzijskom i invalidskom osiguranju

povredu ili značajnu onesposobljenost organa ili dijelova tijela što pogoršava prirodnu aktivnost organizma i zahtijeva veći napor za zadovoljavanje životnih potreba, bez obzira da li je na taj način prouzrokovana invalidnost ili ne.⁶ Pravo na novčanu naknadu zbog fizičke onesposobljenosti stiče učenik-osiguranik čija je fizička onesposobljenost u iznosu od najmanje 30% nastala kao rezultat povrede na radu ili bolesti uzrokovane radom.⁷ Vrste fizičke onesposobljenosti na osnovu kojih se stiče pravo na novčanu naknadu kao i procenat takve onesposobljenosti utvrđuju se zakonom.⁸ Osnov za novčanu naknadu za fizičku onesposobljenost je najniži iznos penzije utvrđen u skladu sa Zakonom o penzijskom i invalidskom osiguranju.⁹

Novčana naknada za fizičku onesposobljenost se utvrđuje prema procentu fizičke onesposobljenosti i izražava se u odgovarajućem procentu od osnova, a u skladu sa tabelom prikazanoj na narednoj strani Vodiča.

⁶ Član 67. stav (1) Zakona o penzijskom i invalidskom osiguranju

⁷ Član 67. stav (2) Zakona o penzijskom i invalidskom osiguranju

⁸ Član 67. stav (3) Zakona o penzijskom i invalidskom osiguranju

⁹ Član 67. stav (4) Zakona o penzijskom i invalidskom osiguranju

Tabela 1: Način izračuna novčane naknade za fizičku onesposobljenost

Za fizičku onesposobljenost od	Stepen	Novčana naknada izražena kao procenat od osnove
100%	1	60%
90%	2	54%
80%	3	48%
70%	4	42%
60%	5	36%
50%	6	30%
40%	7	24%
30%	8	18%

Izvor: Član 67. stav (5) Zakona o penzijskom i invalidskom osiguranju

Učenik kao osiguranik ima pravo na novčanu naknadu od momenta nastupanja fizičke onesposobljenosti ukoliko je zahtjev za naknadu podnesen u roku od tri mjeseca od dana nastupanja fizičke onesposobljenosti.

Ako je zahtjev podnesen nakon isteka predviđenog perioda, učenik-osiguranik ima pravo na novčanu naknadu od prvog dana u mjesecu nakon podnošenja zahtjeva i za tri mjeseca unazad.¹⁰ Ako je učenik-osiguranik za isti slučaj fizičke onesposobljenosti stekao pravo na novčanu naknadu i na osnovu drugih propisa, u tom slučaju može po sopstvenom izboru koristiti bilo koji od ova dva osnova za naknadu.¹¹

c) Pravo na porodičnu penziju

Pravo na porodičnu penziju ima dijete umrlog učenika (osiguranika) koji je na dan smrti ispunjavao uslove za invalidsku penziju i dijete umrlog učenika koji je bio korisnik invalidske penzije.

U slučaju nastupanja smrti učenika koji je ispunjavao uslove za invalidsku penziju ili je ostvarivao pravo na invalidsku penziju, njegovo dijete ima pravo na porodičnu penziju do navršenih 15 godina života. Poslije navršenih 15 godina života, dijete ima pravo na porodičnu penziju do završetka redovnog školovanja, ali najkasnije do navršenih 26 godina života. Dijete kod koga nastupi

¹⁰ Član 67. stav (4) Zakona o penzijskom i invalidskom osiguranju

¹¹ Član 67. stav (4) Zakona o penzijskom i invalidskom osiguranju

nesposobnost za samostalan život i rad prije 15. godine života ima pravo na porodičnu penziju dok ta nesposobnost traje. Dijete kod koga nesposobnost za privređivanje nastupi poslije 15. godine života, a prije smrti učenika-osiguranika, odnosno učenika-korisnika penzije ima pravo na porodičnu

penziju ako ga je učenik-osiguranik, odnosno učenik-korisnik penzije izdržavao do svoje smrti. Dijete kod koga u toku korištenja prava na porodičnu penziju nastupi nesposobnost za samostalan život i rad ili nesposobnost za privređivanje zadržava pravo na penziju dok ta nesposobnost traje.¹²

Kada su u pitanju ostala prava iz penzijskog i invalidskog osiguranja, učenici ne mogu ostvariti pravo na starosnu penziju zato što školovanje traje kraće od bilo kojeg trenutno važećeg uslova za starosnu penziju (najmanje 15 godina staža osiguranja) i prava vezana za II. kategoriju invalidnosti u vezi sam za promjenu radnog mjesta, jer nisu osiguranici u radnom odnosu.

¹² Član 73. Zakona o penzijskom i invalidskom osiguranju

DOBROVOLJNO/ OBAVEZNO OSIGURANJE

RAZLIKA IZMEĐU DOBROVOLJNOG OSIGURANJA OD POSLJEDICA NESRETNOG SLUČAJA (NEZGODE) TOKOM NASTAVE I OSIGURANJA ZA SLUČAJEVE INVALIDNOSTI I SMRTI USLJED POVREDE NA RADU I PROFESIONALNE BOLESTI

Uočeno je da u praksi postoji nerazumijevanje obaveznog osiguranja učenika za slučajeve invalidnosti i smrti usljed povrede na radu i profesionalne bolesti i dobrovoljnog kolektivnog osiguranja učenika od posljedica nezgoda preko ugovora koje škole zaključuju sa osiguravajućim društvima. U nastavku teksta Vodiča pročitajte koje su to razlike između ovih vrsta osiguranja.

Kolektivno osiguranje učenika od posljedice nesretnog slučaja (nezgode) je dobrovoljnog karaktera i roditelji učenika imaju pravo odlučiti da li će osigurati dijete, odnosno platiti premiju za ovo osiguranje na početku školske godine, a na osnovu ugovora koji škole zaključuju sa osiguravajućim društvom. Škole, između ostalog, dogovaraju uslove osiguranja (visinu osigurane sume, visinu premije, obim pokrivenosti osiguranjem i slično), te u pravilu roditelji nemaju uticaja na ovakvo osiguranje.

U slučaju nastupanja osiguranog slučaja, ovlašteni ljekar cenzor osiguravajućeg društva procjenjuje stepen invalidnosti i u odnosu na tablicu invalidnosti za određivanje procenta trajne invalidnosti kao posljedice nezgode, određeno osiguravajuće društvo određuje iznos koji će biti isplaćen učeniku na ime te povrede – koji je jednokratni i određuje se u određenom procentu u odnosu na osiguranu sumu (primjera radi: 1,5% od 20.000 KM). Dakle, osiguravač, ovisno o ugovorenom načinu osiguranja, vrši isplatu naknade prema utvrđenom procentu invaliditeta.

Obavezno osiguranje u slučaju invalidnosti i smrti usljed povrede na radu i profesionalne bolesti tokom obavljanja praktične nastave, odnosno stručne prakse kod poslodavca propisano je Zakonom o penzijskom i invalidskom osiguranju kao obaveza i učeniku daje trajna prava: pravo na invalidsku penziju i pravo na novčanu naknadu za fizičku onesposobljenost. Dakle, prava koja proizlaze iz obaveznog osiguranja nisu jednokratna, kao što je to slučaj sa pravima iz dobrovoljnog osiguranja od posljedica nezgode.

PRIJAVA, OBRAČUN I UPLATA DOPRINOSA

ZA OSIGURANJE UČENIKA NA PRAKTIČNOJ NASTAVI ZA SLUČAJEVE INVALIDNOSTI I SMRTI USLJED POVREDE NA RADU I PROFESIONALNE BOLESTI

a) Prijava učenika u Jedinствeni sistem registracije, kontrole i naplate doprinosa

Da bi učenik stekao statusa osiguranika, škola je dužna da u Jedinствeni sistem registracije, kontrole i naplate doprinosa dostavi prijavu učenika.¹³ U vezi sa ovom obavezom, škola je dužna nadležnom uredu Porezne uprave podnijeti zahtjev za prijavu osiguranja učenika (JS3120 – "Prijava/Odjava lica osiguranih u određenim okolnostima kao i lica osiguranih po drugim osnovama") u skladu s odredbama Pravilnika o podnošenju prijava za upis i promjene upisa u Jedinствeni sistem registracije, kontrole i naplate doprinosa.¹⁴

¹³ Član 18. Zakona o penzijskom i invalidskom osiguranju

¹⁴ U "Službenim novinama Federacije Bosne i

U narednom poglavlju je prikazan ovaj obrazac zajedno sa instrukcijama za njegovo popunjavanje.

Naprijed navedeno je potvrđeno službenim mišljenjem Federalnog ministarstva rada i socijalne politike br. 04/-35/25-673/18 M.T. od 16.03.2018. godine i službenim mišljenjima Porezne uprave br. 13/08-02-3-836-1/20 – Dž.D od 30.06.2020. godine i br. 13/08-02-3-2012-1/21 Dž.D. od 31.01.2022. godine.

Herecegovine", broj 105/21 objavljen je Pravilnik o izmjenama i dopunama pravilnika o podnošenju prijava za upis i promjene upisa u Jedinствeni sistem registracije, kontrole i naplate doprinosa čiji je sastavni dio i novi obrazac JS3120 – "Prijava/Odjava lica osiguranih u određenim okolnostima kao i lica osiguranih po drugim osnovama".

Prijavu učenika na osiguranje u Jedinostveni sistem Porezne uprave škola vrši se za period u kom učenik obavlja praktičnu nastavu, i to u roku od sedam dana od dana nastanka osnova za osiguranje (dan otpočinjanja praktične nastave), dok odjavu vrši u istom roku računajući od dana prestanka osnova za osiguranje (dan prestanka praktične nastave).

b) Obračun i uplata doprinosa za osiguranje učenika na praktičnoj nastavi za slučajeve invalidnosti i smrti usljed povrede na radu i profesionalne bolesti

Prema informacijama zaprimljenim od Porezne uprave¹⁵, za potrebe prijave uplaćenih doprinosa za osiguranje učenika na praktičnoj nastavi za slučajeve invalidnosti i smrti usljed povrede na radu i profesionalne bolesti koristi se obrazac JS3320 („Prijava uplaćenih doprinosa za lica osigurana po drugim osnovama“).

U vezi sa uplatom ovih doprinosa, Porezna uprava izdala je uputstvo prikazano na narednoj strani Vodiča.

¹⁵ Izvor: Prezentacija: Registracija, kontrola i naplata doprinosa u vezi sa praktičnom nastavom učenika kod privrednih subjekata, Ifeta Fazlić, rukovoditeljica Sektora za registraciju, kontrolu i naplatu doprinosa i pomoćnica direktora, Porezna uprava FBiH

Tabela 2: Uputstvo za uplatu doprinosa za osiguranje učenika na praktičnoj nastavi za slučajeve invalidnosti i smrti usljed povrede na radu i profesionalne bolesti.¹⁶

Rok za uplatu doprinosa	Doprinosi se uplaćuju u tekućem mjesecu za prethodni mjesec.
Vrsta prihoda	712112
Šifra općine	Sjedište uplatioca
U korist	Budžeta Federacije BiH otvoren kod Union banke d.d.
Broj računa	Upisati sljedeći broj računa: 102-050-0000106-698
Budžetska organizacija FZPIO/MIO	Upisati sljedeći broj: 5102001
Dodatna napomena:	Škole po uplati doprinosa isti ili naredni dan mogu predati obrazac JS3320 poreznoj ispostavi sjedišta isplatioca sve dok se ne omogući elektronsko podnošenje ovog obrasca. Napominjemo da će biti neophodno podnositi ovaj obrazac u pisanoj formi i kad se omogući njegovo elektronsko podnošenje s obzirom na to da Porezna uprava sve original prijave dostavlja nadležnom fondu kao trajnu dokumentaciju.

Primjer obračuna doprinosa za osiguranje učenika na praktičnoj nastavi za slučajeve invalidnosti i smrti usljed povrede na radu i profesionalne bolesti za period jedne školske godine možete vidjeti u tabeli ispod.

Tabela 3: Troškovi doprinosa za PIO za period jedne (školske) godine

Opis	Mjesečni iznos doprinosa (u KM)	Udio izvođenja praktične nastave (u %)	Izvođenje praktične nastave (u mjesecima)	Broj učenika	Troškovi doprinosa u jednoj godini (u KM)
I razred	3	40	7,5	28	252
II razred	3	40	7,5	37	333
III razred	3	60	7,5	35	472
IV razred	3	20	7,5	1	4
UKUPNO	/	/	/	101	1.061

Izvor: Analiza troškova javnog sektora u Bosansko-podrinjskom kantonu Goražde u vezi sa organizovanjem i izvođenjem praktične nastave, juli 2021. god.

¹⁶ Skrećemo pažnju da je prije same uplate doprinosa neophodno da uplatilac provjeri da li je došlo do promjena podataka (generalija) za uplatu doprinosa kroz izmjene i dopune Pravilnika o načinu uplate, pripadnosti i raspodjele javnih prihoda u Federaciji BiH u "Službenim novinama FBiH", koji se objavljuje i na web stranici Porezne uprave FBiH.

Ako se iz tabele 3 uzme za primjer III razred škole X, može se vidjeti da je udio izvođenja praktične nastave kod poslovnog subjekta 60%, odnosno tri dana sedmično. Može se izračunati da je mjesečni iznos doprinosa za jednog učenika 1,80 KM (3 KM * 60%).

S obzirom na to da je broj učenika koji obavljaju praktičnu nastavu kod poslovnog subjekta 35 i da se praktična nastava obavlja 7,5 mjeseci, godišnji trošak doprinosa za učenike trećeg razreda škole X je 472,00 KM (1,80 KM * 35 učenika * 7,5 mjeseci).¹⁷

Primjer obračuna doprinosa srazmjerno broju dana provedenih na praktičnoj nastavi u toku jednog mjeseca slijedi u nastavku:

Mjesec Y ima 21 radni dan.

Učenici koji pohađaju praktičnu nastavu 10 dana* u toku mjeseca Y.

.....
*Napomena: „Dan“ podrazumijeva obavljanje praktične nastave neovisno o broju provedenih sati.

3,00 KM : 21 (radni dan) = 0,14 KM (za 1 dan)

10 dana x 0,14 KM = 1,40 KM

1,40 KM x broj učenika = mjesečni iznos doprinosa za uplatu

¹⁷ Analiza troškova javnog sektora u Bosansko-podrinjskom kantonu Goražde u vezi sa organizovanjem i izvođenjem praktične nastave, juli 2021. god.

OBRASCI

ZA PRIJAVU UČENIKA NA OSIGURANJE
I PRAĆENJE UPLATA DOPRINOSA ZA
UČENIKA NA PRAKTIČNOJ NASTAVI
ZA SLUČAJEVE INVALIDNOSTI I
SMRTI USLJED POVREDE NA RADU
I PROFESIONALNE BOLESTI SA
INSTRUKCIJAMA ZA POPUNJAVANJE

**a) Obrazac za prijavu učenika
na osiguranje (JS3120)**

U "Službenim novinama Federacije Bosne i Hercegovine" broj 105/21, objavljen je Pravilnik o izmjenama i dopunama pravilnika o podnošenju prijave za upis i promjene upisa u Jedinstveni sistem registracije, kontrole i naplate doprinosa čiji je sastavni dio izmijenjen obrazac JS3120 – "Prijava/ Odjava lica osiguranih u određenim okolnostima kao i lica osiguranih po drugim osnovama". Na narednoj strani Vodiča prikazan je isječak obrasca iz Službenih novina FBiH i instrukcije za njegovo popunjavanje.

Federacija Bosne i Hercegovine Federalno ministarstvo finansija/financija Porezna uprava	Obrazac JS3120 Prijava/Odjava lica osiguranih u određenim okolnostima kao i lica osiguranih po drugim osnovama	<i>Bar kod</i>
-------------------------------------------------------------------------------------------------------------------------------	-----------------------------------------------------------------------------------------------------------------------------------------------------	----------------

Prvi dio – Podaci o obvezniku uplate doprinosa

1) JIB	<input type="text"/>	5) Šifra općine	<input type="text"/> <input type="text"/> <input type="text"/>	6) Vrsta prijave	<input type="checkbox"/> Prijava osiguranja
2) Naziv obveznika uplate doprinosa:				<input type="checkbox"/> Promjena ličnih podataka	<input type="checkbox"/> Odjava osiguranja
3) Adresa obveznika uplate doprinosa:				7) Telefon:	
4) Grad i poštanski broj:				8) E-mail:	

Drugi dio – Podaci o osiguranju

1	Datum prijave/odjave/ osiguranja	<input type="text"/> <input type="text"/> <input type="text"/> <input type="text"/> <input type="text"/> <input type="text"/> <input type="text"/> <input type="text"/> <input type="text"/>
2	Osnov za uplatu doprinosa	<input type="text"/> <input type="text"/>

Treći dio – Podaci o osiguraniku

	JMB ili lični identifikacijski broj (za strance)	Prezime i ime	Adresa prebivališta	Općina prebivališta
1	<input type="text"/>			<input type="text"/> <input type="text"/> <input type="text"/>
2	<input type="text"/>			<input type="text"/> <input type="text"/> <input type="text"/>
3	<input type="text"/>			<input type="text"/> <input type="text"/> <input type="text"/>
4	<input type="text"/>			<input type="text"/> <input type="text"/> <input type="text"/>
5	<input type="text"/>			<input type="text"/> <input type="text"/> <input type="text"/>
6	<input type="text"/>			<input type="text"/> <input type="text"/> <input type="text"/>
7	<input type="text"/>			<input type="text"/> <input type="text"/> <input type="text"/>
8	<input type="text"/>			<input type="text"/> <input type="text"/> <input type="text"/>
9	<input type="text"/>			<input type="text"/> <input type="text"/> <input type="text"/>
10	<input type="text"/>			<input type="text"/> <input type="text"/> <input type="text"/>

Četvrti dio – Potvrda i prijem

Ovjera predstavnika obveznika uplate doprinosa

Ovjera prijema u Poreznoj upravi

Potpis podnosioca prijave:		Datum:	Ime i prezime službenika Porezne uprave:
Ime i prezime lica koje je popunilo prijavu:	Potpis lica koje je popunilo prijavu:	MP	
	Datum:		Datum prijema prijave:
Telefonski broj lica koje je popunilo prijavu:			
Odgovornost lica koje je popunilo prijavu: Izjavljujem da sam pregledao/la ovu prijavu i da su uneseni podaci, prema mom najboljem znanju i vjerovanju, vjerodostojni, tačni i potpuni.			

Tabela 4: Instrukcije za popunjavanje obrasca JS3120

Prvi dio – Podaci o obvezniku uplate doprinosa		
JIB	Jedinstveni identifikacioni broj obveznika uplate doprinosa, dodijeljen od strane Porezne uprave. Ukoliko je obveznik doprinosa organizaciona jedinica, upisuje se JIB koji je dodijeljen organizacionoj jedinici.	
Naziv obveznika uplate doprinosa	Naziv obveznika doprinosa, prema registraciji u Poreznoj upravi.	
Adresa obveznika uplate doprinosa	Adresa obveznika doprinosa, ili organizacione jedinice, registrovana u Poreznoj upravi.	
Grad i poštanski broj	Grad i poštanski broj adrese obveznika doprinosa, ili organizacione jedinice, registrovan u Poreznoj upravi.	
Šifra opštine	Šifra opštine gdje je registrovan obveznik doprinosa (ili organizaciona jedinica) u Poreznoj upravi. Koristiti šifarnik opština koji se koristi kod uplate javnih prihoda.	
Vrsta prijave	Izabrati odgovarajuće polje. Ukoliko se vrši prijava osiguranja, označiti polje "Prijava osiguranja". Ukoliko se vrši odjava osiguranja, označiti polje "Odjava osiguranja". Ukoliko se vrši promjena podataka za postojeće osiguranje, koristiti "Promjena ličnih podataka". Kod promjene osiguranja nije moguće mijenjati uplatioca doprinosa i njegove podatke, JMB osiguranika, osnov osiguranja i datum prijave/promjene/odjave na osiguranje (u ovim slučajevima je potrebno izvršiti odjavu pa ponovo prijavu). Ukoliko je došlo do promjene imena, prezimena ili adrese osiguranika, te promjene je potrebno prvo izvršiti u agenciji IDDEEA (bivši CIPS), pa tek onda podnijeti prijavu.	
Telefon	Telefon na koji je moguće kontaktirati obveznika doprinosa u vezi sa podnesenom prijavom.	
E-mail adresa	E-mail na koji je moguće kontaktirati obveznika doprinosa u vezi sa podnesenom prijavom.	
Drugi dio – Podaci o osiguranju		
Datum prijave/odjave/promjene osiguranja	Dan, mjesec i godina od kada važi podnesena prijava. Ako se radi o prijavi osiguranja, potrebno je upisati datum od kada traje osiguranje. Kod odjave osiguranja treba upisati zadnji dan za koji važi osiguranje.	
Osnov za uplatu doprinosa	Slovima upisati: praktičan rad učenika i studenata. Šifru za osnov obaveze plaćanja doprinosa unosi službenik.	
Treći dio – Podaci o obvezniku doprinosa		
Napomena: Koristiti jedan red za jednog obveznika doprinosa. Ukoliko je potrebno prijaviti više od 10 obveznika, koristiti novi obrazac.		
JMB (ili LIB za strance)	Jedinstveni matični broj obveznika doprinosa iz lične karte ili rodnog lista. Ukoliko se radi o stranom državljaninu, upisati Jedinstveni identifikacioni broj koji Porezna uprava dodjeljuje stranim državljanima ili LIB.	
Prezime i ime	Prezime i ime iz lične karte ili pasoša.	
Adresa prebivališta	Oficijelna adresa prebivališta, registrovana u agenciji IDDEEA (bivši CIPS).	

Opština prebivališta	Opština prebivališta, prema CIPS-u. Potrebno je slovima upisati naziv opštine. Šifru opštine popunjava službenik.
Četvrti dio – Potvrda i prijem	
Potpis podnosioca prijave	Potpis lica koje je podnijelo obrazac.
Ime i prezime lica koje je popunilo prijavu	Ime i prezime lica koje je popunilo obrazac.
Potpis lica koje je popunilo prijavu	Potpis lica koje je popunilo obrazac.
JMB lica koje je popunilo prijavu	JMB lica koje je popunilo obrazac.
Datum podnošenja	Datum podnošenja obrasca.
Telefonski broj lica koje je popunilo prijavu	Broj telefona lica koje je popunilo prijavu. Ovaj broj se koristi za kontakt ukoliko postoji greška na obrascu.
Datum	Datum ovjere ukoliko postoji.
M.P.	Pečat podnosioca prijave ukoliko postoji.
Ime i prezime službenika Porezne uprave	NE POPUNJAVATI! Za internu upotrebu Porezne uprave.
Potpis službenika Porezne uprave	NE POPUNJAVATI! Za internu upotrebu Porezne uprave.
Datum prijema prijave	NE POPUNJAVATI! Za internu upotrebu Porezne uprave.

Izvor: Službena internet stranica Porezne uprave

b) Obrazac za prijavu uplaćenih doprinosa (JS3320)

Sastavni dio Pravilnika o izmjenama i dopunama Pravilnika o podnošenju prijave za upis i promjene upisa u Jedinostveni sistem registracije, kontrole i naplate doprinosa (Službene novine Federacije Bosne i

Hercegovine", br. 105/21) je i novi obrazac JS3320 – „Prijava uplaćenih doprinosa za lica osigurana po drugim osnovama“. Na narednoj strani Vodiča je prikazan isječak obrasca iz Službenih novina FBiH. Upućujemo vas da pratite službenu stranicu Porezne uprave

koja će u narednom periodu objaviti obrazac u odgovarajućem formatu.

Napomena: Škole po uplati doprinosa isti ili naredni dan mogu predati obrazac JS 3320 poreznoj ispostavi sjedišta isplatioca sve dok se ne omogući njegovo elektronsko podnošenje.

Elektronsko podnošenje ovog obrasca (kada ono bude omogućeno) ne isključuje naknadnu dostavu obrazaca u nadležnu ispostavu Porezne uprave u skladu sa zakonskim obavezama predaje ovjerenog i potpisanog obrasca nadležnog lica s obzirom na to da Porezna uprava sve original prijave dostavlja nadležnom fondu kao trajnu dokumentaciju.

Obrzac JS3120- isječak iz SN FBiH

Federacija Bosne i Hercegovine Federalno ministarstvo finansija/financija Porezna uprava		Obrazac JS3320 Prijava uplaćenih doprinosa za lica osigurana po drugim osnovama		<i>Bar kod</i>		
Prvi dio – Podaci o obvezniku uplate doprinosa						
1) JIB <input style="width: 100px;" type="text"/>		5) Šifra općine <input style="width: 30px;" type="text"/> <input style="width: 30px;" type="text"/>		6) Period (mjesec/godina) <input style="width: 30px;" type="text"/> <input style="width: 30px;" type="text"/> <input style="width: 30px;" type="text"/> <input style="width: 30px;" type="text"/>		
2) Naziv obveznika uplate doprinosa:		7) Telefon:				
3) Adresa obveznika uplate doprinosa:		8) E-mail:				
4) Grad i poštanski broj:						
Drugi dio – Podaci o uplati doprinosa						
1	Ukupno iznos doprinosa za PIO					
2	Ukupno iznos doprinosa zdravstvenog osiguranja					
3	Ukupan broj osiguranika					
4	Datum uplate doprinosa <input style="width: 100px;" type="text"/>					
5	Osnov za uplatu doprinosa <input style="width: 100px;" type="text"/>					
Treći dio – Podaci o osiguraniku						
R. Br.	JMB ili lični identifikacijski broj (za strance)	Prezime i ime	Osnovica za doprinose	Iznos doprinosa za ZO	Iznos doprinosa za PIO/MIO	Općina prebivališta
1	<input style="width: 100px;" type="text"/>					<input style="width: 30px;" type="text"/> <input style="width: 30px;" type="text"/>
2	<input style="width: 100px;" type="text"/>					<input style="width: 30px;" type="text"/> <input style="width: 30px;" type="text"/>
3	<input style="width: 100px;" type="text"/>					<input style="width: 30px;" type="text"/> <input style="width: 30px;" type="text"/>
4	<input style="width: 100px;" type="text"/>					<input style="width: 30px;" type="text"/> <input style="width: 30px;" type="text"/>
Četvrti dio – Potvrda predaje						
Potvrda predstavnika obveznika uplate doprinosa						
Ime i prezime ovlaštenog lica, podnosioca prijave:		Potpis ovlaštenog lica, obveznika uplate doprinosa:		Datum podnošenja prijave:		
				M.P.		

E-USLUGE PU FBIH

PODNOŠENJE PRIJAVA ELEKTRONSKIM PUTEM

E-Usluge/servisi Porezne uprave predstavljaju skup usluga namijenjenih poreznim obveznicima / obveznicima uplate doprinosa koje omogućuju izvršavanje obaveza putem interneta, u skladu sa važećom zakonskom regulativom.

Poreznim obveznicima koji postanu korisnici e-Usluga/servisa omogućeni su elektronska predaja obrazaca, te pregled ispravnosti predanih obrazaca i statusa obrazaca u cilju jednostavnijeg i bržeg ispunjavanja obaveza prema Poreznoj upravi.

Informacije o uslovima i koracima koje trebate da obezbijedite kako biste postali korisnik e-Usluga nalaze se na službenoj internet stranici Porezne uprave na sljedećem linku:
<http://www.pufbih.ba/v1/stranica/6>

E-Usluga u Jedinostvenom sistemu omogućava elektronsku predaju obrazaca od strane obveznika uplate doprinosa, ali ne isključuje naknadnu dostavu obrazaca u nadležnu ispostavu Porezne uprave u skladu sa zakonskim obavezama predaje ovjerenog i potpisanog obrasca nadležnog lica.

Za više informacija posjetite službenu internet stranicu Porezne uprave putem sljedećeg linka:

<http://www.pufbih.ba/v1/stranica/8>

BUDŽETSKA POZICIJA

Evidentiranje rashoda na ime doprinosa za osiguranje učenika za slučajeve invalidnosti ili smrti usljed povrede na radu ili profesionalne bolesti tokom praktične nastave bi se u skladu s Pravilnikom o knjigovodstvu budžeta u Federaciji Bosne i Hercegovine („Službene novine Federacije Bosne i Hercegovine“, broj 60/14) moglo provesti na kontu „612200 Ostali doprinosi“, analitički konto „612219 Ostali doprinosi“, u skladu sa odredbama člana 36. tog pravilnika, pri čemu se evidentiraju doprinosi poslodavca i ostali doprinosi koji nisu sastavni dio bruto plaće, uzimajući u obzir da se u ovom slučaju radi o doprinosima osoba u statusu učenika škola, izvan radnog odnosa u kojem je škola kao javna ustanova poslodavac.

PREKRŠAJ

PREKRŠAJNA ODGOVORNOST ŠKOLA U SLUČAJU NEISPUNJAVANJA ZAKONSKIH OBAVEZA

Odredbama člana 30. Zakona o jedinstvenom sistemu registracije, kontrole i naplate doprinosa ("Službene novine Federacije Bosne i Hercegovine", br. 42/09, 109/12, 86/15, 30/16 i 96/21) propisana je prekršajna odgovornost obveznika uplate doprinosa (škole u konkretnom slučaju) za slučaj neispunjavanja zakonom definisanih obaveza. Naime, novčanom kaznom u iznosu od 5.000,00 KM do 100.000,00 KM kaznit će se za prekršaj obveznik uplate doprinosa za prekršaj ako:

- ne podnese prijave osiguranja, objave osiguranja i prijave promjene u toku osiguranja;
- unese netačne podatke u prijave za upis u Jedinstveni sistem;

- podnese prijave osiguranja, objave osiguranja ili prijave promjena u toku osiguranja po isteku propisanog roka.

Za ovaj prekršaj kaznit će se i odgovorno lice u pravnom licu (direktor škole u konkretnom slučaju) novčanom kaznom u iznosu od 3.000,00 KM do 20.000,00 KM.

Pored novčane kazne počiniocu ovog prekršaja može se izreći i zabrana vršenja djelatnosti u periodu do šest mjeseci s ciljem sprečavanja budućeg činjenja prekršaja.

ZA KRAJ

Poštovani čitatelji,

Nadamo se da su vam informacije sadržane u ovom vodiču bile od koristi.

Za slučaj da imate dodatnih pitanja ili nejasnoća, pozivamo vas da kontaktirate Poreznu upravu Federacije Bosne i Hercegovine.

Kontakt informacije:

Porezna uprava Federacije Bosne i Hercegovine

Adresa: Ul. Husrefa Redžića br. 4, 71000 Sarajevo

Tel.: +387 33 289 800

Fax: +387 33 206 535

E-mail: puinfo@fpu.gov.ba

Izradu Vodiča podržao je projekat „Stručno obrazovanje u BiH“ koji provodi Deutsche Gesellschaft für Internationale Zusammenarbeit (GIZ) GmbH u ime vlada Švicarske i SR Njemačke.